

# 三代實錄

十七

庫	文	閣	內
三七函	二九冊		和書類

內閣文庫		
番號	和	29
冊數	20	(17)
函號	137	160



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



日本三代實錄卷第四十三 起元慶七年正月盡

左大臣從一位兼行左近衛大將臣藤原朝臣時平等奉勅撰

七年春正月戊辰朔 天皇不受朝賀兩也七曜

曆藏冰樣腹赤苗華所司付内侍奏御紫宸殿宴



於侍臣雅樂寮奏音樂宴竟賜被是日以外記大

藏伊美吉善行式部少丞高階真人茂範為存問

渤海客使前筑後少目從八位上伊勢朝臣興房

為通事 七日甲戌 天皇御紫宸殿覽青馬賜

宴群臣奏女樂宴竟賜祿各有差授三品行兵部



卿本康親王二品參議從四位上藤原朝臣有實  
正四位下從四位下行山城權守恒基王從四位  
上從四位下元良親王從四位上從四位下行攝  
津守平朝臣實世無位源朝臣長淵並從四位上  
正五位下行伊勢守藤原朝臣興世少納言兼侍  
從滋野朝臣善根並從四位下從五位上守治部  
大輔橘朝臣休陰左少辨安部朝臣清行並正五  
位下散位頭從五位下小野朝臣國梁左京亮藤  
原朝臣真常大藏少輔嶋田朝臣善宗民部少輔

藤原朝臣安嶺備前介源朝臣淵豐後守藤原朝  
臣智泉散位小野朝臣葛滋平朝臣完相右少辨  
藤原朝臣佐世散位藤原朝臣清保等並從五位  
上散位外從五位下伴連因宗丹波權守文伊美  
吉廣常造酒正時統宿祢當世無位源朝臣貞恒  
源朝臣溉木工助正六位上大江朝臣弟岑左京  
少進橘朝臣茂行式部大丞藤原朝臣當興武藏  
權大掾藤原朝臣直行右兵衛大尉佐伯宿祢春  
岑左兵衛大尉坂上大宿祢春岑造酒佐小野朝

三十八 實錄卷四十三  
臣安野等並從五位下大外記正六位上山田宿  
祢時宗左大史良枝宿祢貞行式部大録山口朝  
臣岑世右近衛將監平朝臣春雄園池正新田部  
宿祢安河助教中原朝臣月雄音博士秦忌寸永  
宗左近衛將監大部造氏良等並外從五位下  
八日乙亥於大極殿始講最勝王經如常以興福  
寺僧法相宗傳燈大法師位房忠為講師天皇  
臨幸親聽講經雅樂寮奏音樂進女御從二位藤  
原朝臣多美子階加正二位女叙位六人 九日

丙子授織部正正位上藤原朝臣村從五位  
下散位從五位下藤原朝臣豐雄藤原朝臣有文  
陰陽頭兼曆博士家原朝臣卿好相摸守藤原朝  
臣春幹右近衛少將在原朝臣支干右衛門權佐  
藤原朝臣有穗勘解由次官兼伊勢權佐惟長宿  
祢高尚等並從五位上外從五位下行典藥助物  
部朝臣內嗣散位和氣朝臣時人主殿權助菅原  
朝臣永津助教淨野朝臣宮雄散位正六位上  
。有各源朝臣希源朝臣當元藤原朝臣時佐

兵部大丞正六位上平朝臣基世民部大丞清原真人常岑左近衛將監藤原朝臣連並式部大丞八多朝臣常永散位橘朝臣秋宗右近衛將監藤原朝臣安副大藏大丞藤原朝臣益秀主殿助藤原朝臣末並大藏大丞伴宿祢忠行散位正七位下佐伯宿祢春從五位下十一日戊寅除日四十三人陸奥守從五位上兼守左近衛權少將平朝臣季長為上野權介餘官如故十四日辛巳大極殿齋講畢僧綱奉茶內裏論義賜被如常

十五日壬午從四位下行越前權守藤原朝臣弘經卒弘經者贈太政大臣正一位長良朝臣子太政大臣昭宣公之弟也弘經天性平生少言重違語為舌所介礙澁於清談貞觀三年除讚岐權掾六年春授從五位下是年夏轉權介八年遷侍從十年遷為護岐介十七年拜左衛門佐元慶元年陽成太上天皇踐祚之日加從五位上三年增正五位下兼加賀權守六年久病綿綴弘經天皇之外舅也故天皇特愍十二月晦日授從四

位下就床下賜告身七年正月遷為越前權守後  
 四日卒時年四十五十六日癸未踏歌之節於  
 紫宸殿宴于侍臣雅樂寮奏音樂宮人踏歌於殿  
 上以雪落地濕也賜祿有差是日天皇不御紫  
 宸殿十七日甲申勅公卿於豐樂院行射禮  
 十八日乙酉停賭射廿日丁亥停內宴廿  
 六日癸巳令山城近江越前加賀等國修理官舍  
 道橋埋瘞路邊死骸以渤海客可入京也下知越  
 前能登越中國送酒穴魚鳥蒜等物於加賀國為

旁饗渤海客也

廿九日丙申四品守中務卿兼

太宰帥惟茂親王薨不在緣葬之諸司以喪家苦

辭也天白王不親事三日親王者文德天皇之第

三子也母滋野朝臣氏參議正四位下貞生之女

也今案明子也云云年四十四二月戊戌朔二日己

亥授佐渡國正六位上大庭神從五位下四日

辛丑祈年祭如常七日甲辰割山城大和河內

淡路四國通三寶布施稻各三千束伊賀伊勢兩

國穀各四百斛遠江武藏上野下野能登日幡周

防七國各五百斛播磨二百斛美作稻四千束充  
造東寺塔新 九日丙午上總國介從五位下藤  
原朝臣正範飛驒奏言市原郡俘囚四十餘人叛  
亂盜取官物殺略人民由是發諸郡人兵千人  
令其追討而俘囚燒民廬舍逃入山中商量非數  
千兵不得征伐者 勅如奏狀是俘虜群盜惟罪  
逃竄者也况四十餘人偷兒何足以馳羽檄宜停  
給 勅契直下官符是發久早速追捕 十日丁  
未釋奠於大學祭禮己了外從五位下行助教淨

野朝臣宮雄講周易文章生學生等賦詩 十四  
日辛亥除日十七人四品守彈正尹惟恒親王為  
上野太守尹如故 十五日壬子授太皇太后宮  
少進正六位上藤原朝臣氏江從五位下 十八  
日乙卯從五位上行上總國介藤原朝臣正範飛驒  
奏言討平夷虜訖 廿一日戊午太政官符下上  
總國司備平虜之狀奏聞訖既知飽鼓一鳴風塵  
永靜介正範大掾文室善友并差遣將吏等之勇  
略既達流聽宜消餘燼莫令重焚若狼心無悔則

國字  
三  
木  
三  
木  
三  
木  
三  
木  
三

弥滅<sup>セ</sup>湏<sup>セ</sup>魁<sup>シ</sup>梟<sup>シ</sup>性有<sup>ハ</sup>峻<sup>シ</sup>務<sup>シ</sup>撫<sup>シ</sup>育<sup>セ</sup>飛<sup>セ</sup>驛<sup>シ</sup>馳<sup>シ</sup>傳<sup>シ</sup>法<sup>シ</sup>令<sup>シ</sup>自<sup>シ</sup>今<sup>シ</sup>  
事<sup>ニ</sup>非<sup>ス</sup>機<sup>ニ</sup>急<sup>ニ</sup>勘<sup>シ</sup>掘<sup>シ</sup>律<sup>シ</sup>令<sup>シ</sup>發<sup>シ</sup>遣<sup>シ</sup>脚<sup>力</sup>申<sup>セ</sup>太<sup>シ</sup>政<sup>シ</sup>官<sup>シ</sup>不<sup>レ</sup>得<sup>ス</sup>專<sup>ラ</sup>  
輒<sup>ス</sup>馳<sup>シ</sup>驛<sup>シ</sup>上<sup>シ</sup>奏<sup>シ</sup>是<sup>シ</sup>日<sup>シ</sup>制<sup>ス</sup>山<sup>シ</sup>城<sup>シ</sup>國<sup>シ</sup>野<sup>シ</sup>自<sup>シ</sup>故<sup>シ</sup>治<sup>シ</sup>部<sup>シ</sup>卿<sup>シ</sup>  
賀<sup>シ</sup>陽<sup>シ</sup>親<sup>シ</sup>王<sup>シ</sup>石<sup>シ</sup>原<sup>シ</sup>家<sup>シ</sup>以<sup>シ</sup>南<sup>シ</sup>至<sup>シ</sup>赤<sup>シ</sup>江<sup>シ</sup>埜<sup>シ</sup>兼<sup>シ</sup>和<sup>シ</sup>元<sup>シ</sup>年<sup>シ</sup>以<sup>シ</sup>降<sup>シ</sup>  
百<sup>シ</sup>姓<sup>シ</sup>不<sup>レ</sup>能<sup>ス</sup>漁<sup>シ</sup>獵<sup>シ</sup>重<sup>シ</sup>加<sup>シ</sup>禁<sup>シ</sup>林<sup>シ</sup>邑<sup>シ</sup>樂<sup>シ</sup>人<sup>シ</sup>七<sup>シ</sup>人<sup>シ</sup>於<sup>シ</sup>大<sup>シ</sup>安<sup>シ</sup>寺<sup>シ</sup>  
令<sup>シ</sup>調<sup>シ</sup>習<sup>シ</sup>以<sup>シ</sup>大<sup>シ</sup>和<sup>シ</sup>國<sup>シ</sup>正<sup>シ</sup>稅<sup>シ</sup>充<sup>シ</sup>給<sup>シ</sup>其<sup>シ</sup>食<sup>シ</sup>欲<sup>シ</sup>令<sup>シ</sup>渤<sup>シ</sup>海<sup>シ</sup>客<sup>シ</sup>徒<sup>シ</sup>  
觀<sup>シ</sup>彼<sup>シ</sup>樂<sup>シ</sup>也<sup>シ</sup>先<sup>シ</sup>是<sup>シ</sup>駿<sup>シ</sup>河<sup>シ</sup>國<sup>シ</sup>司<sup>シ</sup>言<sup>シ</sup>戎<sup>シ</sup>具<sup>シ</sup>絕<sup>シ</sup>幕<sup>シ</sup>八<sup>シ</sup>條<sup>シ</sup>調<sup>シ</sup>布<sup>シ</sup>  
幕<sup>シ</sup>二<sup>シ</sup>十<sup>シ</sup>九<sup>シ</sup>條<sup>シ</sup>商<sup>シ</sup>布<sup>シ</sup>幕<sup>シ</sup>五<sup>シ</sup>條<sup>シ</sup>機<sup>シ</sup>急<sup>シ</sup>之<sup>シ</sup>備<sup>シ</sup>縫<sup>シ</sup>作<sup>シ</sup>年<sup>シ</sup>久<sup>シ</sup>延<sup>シ</sup>  
曆<sup>シ</sup>年<sup>シ</sup>中<sup>シ</sup>以<sup>シ</sup>後<sup>シ</sup>國<sup>シ</sup>申<sup>シ</sup>請<sup>シ</sup>大<sup>シ</sup>破<sup>シ</sup>不<sup>レ</sup>用<sup>ス</sup>除<sup>シ</sup>并<sup>シ</sup>改<sup>シ</sup>作<sup>シ</sup>至<sup>シ</sup>是<sup>シ</sup>許<sup>シ</sup>

之<sup>シ</sup>是<sup>シ</sup>日<sup>シ</sup>存<sup>シ</sup>問<sup>シ</sup>渤<sup>シ</sup>海<sup>シ</sup>客<sup>シ</sup>使<sup>シ</sup>大<sup>シ</sup>藏<sup>シ</sup>善<sup>シ</sup>行<sup>シ</sup>高<sup>シ</sup>階<sup>シ</sup>茂<sup>シ</sup>範<sup>シ</sup>並<sup>シ</sup>為<sup>シ</sup>  
兼<sup>シ</sup>領<sup>シ</sup>客<sup>シ</sup>使<sup>シ</sup>廿<sup>シ</sup>五<sup>シ</sup>日<sup>シ</sup>壬<sup>シ</sup>戌<sup>シ</sup>賜<sup>シ</sup>渤<sup>シ</sup>海<sup>シ</sup>客<sup>シ</sup>徒<sup>シ</sup>冬<sup>シ</sup>時<sup>シ</sup>服<sup>シ</sup>遣<sup>シ</sup>  
辦<sup>シ</sup>官<sup>シ</sup>史<sup>シ</sup>生<sup>シ</sup>一<sup>シ</sup>人<sup>シ</sup>押<sup>シ</sup>送<sup>シ</sup>於<sup>シ</sup>加<sup>シ</sup>賀<sup>シ</sup>國<sup>シ</sup>令<sup>シ</sup>領<sup>シ</sup>客<sup>シ</sup>使<sup>シ</sup>等<sup>シ</sup>領<sup>シ</sup>賜<sup>シ</sup>  
系<sup>シ</sup>廿<sup>シ</sup>八<sup>シ</sup>日<sup>シ</sup>乙<sup>シ</sup>丑<sup>シ</sup>夜<sup>シ</sup>內<sup>シ</sup>藏<sup>シ</sup>寮<sup>シ</sup>舍<sup>シ</sup>人<sup>シ</sup>津<sup>シ</sup>守<sup>シ</sup>小<sup>シ</sup>吉<sup>シ</sup>闕<sup>シ</sup>御<sup>シ</sup>  
服<sup>シ</sup>倉<sup>シ</sup>盜<sup>シ</sup>取<sup>シ</sup>絹<sup>シ</sup>四<sup>シ</sup>十<sup>シ</sup>疋<sup>シ</sup>下<sup>シ</sup>獄<sup>シ</sup>三<sup>シ</sup>月<sup>シ</sup>丁<sup>シ</sup>卯<sup>シ</sup>朔<sup>シ</sup>三<sup>シ</sup>日<sup>シ</sup>  
已<sup>シ</sup>已<sup>シ</sup>停<sup>シ</sup>御<sup>シ</sup>齋<sup>シ</sup>燒<sup>シ</sup>燈<sup>シ</sup>四<sup>シ</sup>日<sup>シ</sup>庚<sup>シ</sup>午<sup>シ</sup>越<sup>シ</sup>中<sup>シ</sup>國<sup>シ</sup>司<sup>シ</sup>言<sup>シ</sup>貢<sup>シ</sup>調<sup>シ</sup>  
期<sup>シ</sup>限<sup>シ</sup>在<sup>シ</sup>當<sup>シ</sup>年<sup>シ</sup>十<sup>シ</sup>一<sup>シ</sup>月<sup>シ</sup>望<sup>シ</sup>請<sup>シ</sup>延<sup>シ</sup>期<sup>シ</sup>明<sup>シ</sup>年<sup>シ</sup>四<sup>シ</sup>月<sup>シ</sup>世<sup>シ</sup>日<sup>シ</sup>以<sup>シ</sup>  
前<sup>シ</sup>貢<sup>シ</sup>進<sup>シ</sup>太<sup>シ</sup>政<sup>シ</sup>官<sup>シ</sup>處<sup>シ</sup>分<sup>シ</sup>四<sup>シ</sup>箇<sup>シ</sup>羊<sup>シ</sup>依<sup>シ</sup>請<sup>シ</sup>系<sup>シ</sup>先<sup>シ</sup>是<sup>シ</sup>大<sup>シ</sup>和<sup>シ</sup>國<sup>シ</sup>  
司<sup>シ</sup>言<sup>シ</sup>官<sup>シ</sup>由<sup>シ</sup>七<sup>シ</sup>百<sup>シ</sup>三<sup>シ</sup>十<sup>シ</sup>二<sup>シ</sup>町<sup>シ</sup>四<sup>シ</sup>十<sup>シ</sup>步<sup>シ</sup>請<sup>シ</sup>停<sup>シ</sup>營<sup>シ</sup>佃<sup>シ</sup>沽<sup>シ</sup>進<sup>シ</sup>



見直至是聽之 八日甲戌存問兼領渤海客使  
少外記大藏善行式部少丞高階茂範等進發奉  
奏內裏辭見賜御衣袴各一襲 十日丙子昏時  
月暈行犯大微西蕃上將星亥時白雲氣自北方  
來入暈中其數五行廣一尺許長一丈四片乃滅  
一片貫月良久消却 廿一日丁亥屈八十僧於  
紫宸殿轉讀大般若經限三日訖 廿四日庚寅  
讀經事畢別延有智僧二十九人於御前論義  
廿六日壬辰 勅授延曆寺座主傳燈大法師

位圓珍法眼和尚位 夏四月丁酉朔於宜陽殿  
西廂賜待臣飯賜祿有差 二日戊戌以右衛門  
大尉正六位上坂上宿祢茂樹文章得業生從八  
位下紀朝臣長谷雄為掌渤海客使民部大丞正  
六位上清原真人常岑文章生從五位下多治比  
真人有友為領歸鄉渤海客使 七日癸卯式兵  
兩者奏成選擬階短冊 天皇不御前殿大臣奉  
勅仰二者依例行之 十五日辛亥公卿就太  
政官曹司廳賜文武官成選位記宣制如常 廿

一日丁巳緣饗渤海客諸司官人雜色人等客徒  
在京間聽帶禁物以從五位上行式部少輔兼文  
章博士加賀權守菅原朝臣道真權行治部大輔  
事從五位上行美濃介嶋田朝臣忠臣權行玄蕃  
頭事為對渤海大使裴迥故為之矣廿四日庚  
申諸衛整固緣明日賀茂奈也廿五日辛酉賀  
茂奈如常廿六日壬戌諸衛解嚴廿七日癸  
亥天皇御武德殿觀覽諸牧駒諸衛騎射廿  
八日甲子勅遣右近衛少將正五位下平朝臣

正範到山城國宇治郡山階野邊郊旁渤海客領  
客使少外記大藏善行等引客徒入鴻臚館廿  
九日乙丑晦遣右大史正六位上家原朝臣高鄉  
於鴻臚館慰勞客徒五月丙寅朔遣從五位上  
行右近衛佐源朝臣元向鴻臚館勞問客徒二  
日丁卯大使裴迥等於朝堂奉進玉啓及信物親  
王己下及百寮初位已上皆會四位己下未得解  
由者亦預素所司受啓信物奉進內裏三日戊  
辰天皇御豐樂殿賜宴渤海客徒親王己下

議已上侍殿上五位已上侍頭陽堂大使已下二十人侍承歡堂百官六位已下相分侍觀德明義兩堂授大使文籍院少監正四品賜紫金魚袋裴頤從三位副使正五品賜緋銀魚袋高用正四位下判官錄事授五位其次叙六位已下各有等級隨其位階賜朝衣客徒拜舞退出更衣而入拜舞昇堂就食雅樂寮陳鼓鍾內教坊奏女樂妓女百三十八人進出舞酒及數杯別賜御餘枇杷子一銀碗大使已下起座拜受日暮賜客徒祿各有差

五日庚午 天皇御武德殿覽西府騎射及五位已上貢馬喚渤海客徒觀之賜親王公卿續命纒伊勢守從五位上安倍朝臣與行引客就座供食別 勅賜大使已下錄事已上續命纒品官已下葛蒲鬘是日大雨先是豫 勅所司若過雨殺須停節會勿喚客徒改日而行事掌客使等速引客徒入於宮城故雨中成礼景 六日辛未 天皇御武德殿禮左右馬寮競走馬及四府馬藝七日壬申大使裴頤別貢方物是日內藏頭和氣

朝臣彝範率掌客使下向鴻臚館交關。八日癸酉內藏寮交關如昨。十日乙亥於朝集堂賜饗渤海客徒大臣已下就東堂座擇五位已上有客儀者三十人待堂上座從五位下守左衛門權佐藤原朝臣良積引客就西堂座供食元所定供養者謝障不出良積依有儀負俄當此選大使裴邇欲題送詩章忽索筆硯良積不關屬文起座而出邇隨止矣。勅遣中使從五位下行右馬助藤原朝臣恒與賜御衣一襲大使裴邇賞裴邇高不有

風儀也。十二日丁丑渤海客徒歸蕃是日遣參議正四位下行右衛門督兼近江權守藤原朝臣諸葛從四位下行左近衛少將兼近江權介藤原朝臣遠經正六位上行少內記多治比真人彦輔向鴻臚館付。勅書正六位下行太皇太后宮權亮平朝臣惟範從五位上行少納言兼侍從藤原朝臣諸葛從六位上右少史秦宿祢安元付太政官牒禮畢領客使民部大丞清原真人常岑文章生多治比有友等引客徒出館就路。十四日已

卯今月三日豐樂院宴渤海客樂人舞妓等以大  
 裁省高希一千一百五段賜之依承和九年例也  
 廿二日丁亥遣使者於松尾賀茂御祖別雷稻  
 荷貴布祢水主乙訓七社奉幣而雩以旱也 廿  
 五日庚寅夜山崎橋火燒一間 廿六日辛卯大  
 雨神泉苑裏舊有放麻是日生白麻遠客來朝得  
 此禱祥豈不懿歟 六月乙未朔日有蝕之 三  
 日丁酉地震 十日甲辰從五位下行丹波介清  
 内宿祢雄行卒雄行河内國志紀郡人也本姓心  
 河内忌寸後賜清内宿祢姓晉者唐人金 信表  
 晋卿二人歸化本朝云 是日紫宸殿前版上犬  
 屎 十一日乙巳於神祇官修月次神今食祭如  
 常 天皇不御神嘉殿以內裏犬死也 廿二日  
 丙辰武藏國飢饉以正統稻六萬束賑恤焉 廿  
 七日辛酉白鷺集大極殿西鷓尾 廿八日壬戌  
 地震 廿九日癸亥備前國御野郡圓覺寺庄常  
 荒由四十九町百三歩永免輸租



荷貴布祿丹生河上大和等神社遣使班幣丹生  
 河上加奉白馬先是六月二十七日鷺集大極殿  
 鷓尾（多）今日三日已往霖雨淹旬河水溢漲内外略  
 愁陰陽寮占奏言 主上可患（多）悉病天下將憂（多）風  
 水故豫祈神明至是賽賽 十六日庚辰以從五  
 位下行備後介淡海朝臣有守為筑後守 十九  
 日癸未先是太宰府六月六日解備管筑後國解  
 備今日三日夜群盜百許人圍守從五位上都朝  
 臣御酒館射殺御酒掠奪財物傍吏聞人呼聲俄  
 發兵仗赴集之間群賊逃散夜暗冥不獲追捕者  
 府修解狀差遣少監正六位上中原真人長城等  
 率將兵卒發遣搜索仍且言上者是日太政官符  
 譴責太宰府司曰牧宰之官委寄任重而肆行殺  
 戮何惡之甚筑後國去太宰府往還半日縱三日  
 之夜夜暗兵少則四日五日何不益兵追討始是  
 傍吏悞弱之所致也且管部之乱鎮在府司處兒  
 出押是誰之過又發向長城等之後既積月餘日  
 擒獲之狀于今無聞蓋是長城有致逗撓（多）押亦

府司無心惡惡與都督之任豈合如此又事出非常理須馳驛而修解付脚既以替違宜窮尋蹤跡早速翦除重致懈緩國有常刑 廿一日酉山城國愛宕郡墾田四段七十步返給鵜原寺班田使叔公給百姓口分寺愁訴故返之 廿六日庚寅申時日右有珥上下有白雲日即宿翼 廿七日辛卯申時日左右有珥其下雲氣形如籠馬 廿八日壬辰 天皇御紫宸殿於御簾中觀相撲親王公卿侍殿南廂左右司逆奏音樂 八月甲

午朔 四日丁酉釋奠如常直講從七位下山邊公善直講左氏春秋文章生學生等賦詩 五日戊戌明經博士宰得業生已下奉奏內裏 帝不引見賜祿而罷 十二日乙巳太政大臣上表請停撰改曰臣從泰撰錄之名常失心神之屑執雕虎而非懼探驪龍而猶安况明辟有期舊章攸迪豈抵滯於非據忘機衡之不釐臣伏以去年十二月二十六日敢披丹若頻黷青規雖鑿鑿之誠未迴重華之照臣欲固守微志重祈哀憐會蕃客



入朝搢紳多務所司從事于懷遠微臣未遑于叫  
 闕屏氣鞠躬經春涉夏今齡若轉蓬飄然艾孟熱  
 之足行步其艱許丞之聲風雨弥劇縱當強健之  
 日尚謂踰涯况臨疲沓之時何堪紊序伏願 陛  
 下踐周成之正位遵漢宣之膺圖則微臣歡極天  
 下幸甚臣之懇誠豈啻為慙謗議豈啻為懼滿盈  
 是恐乖古今邦國之遐躋也不任悽悽之至謹拜  
 表以聞 勅荅曰太行皇帝所舉天下而委公者  
 非特為予一人兼復顧萬方也自朕嗣事七年于

茲垂拱司契寔賴丕訓而公深存 累年方竄光  
 於淳雲然清白為重寶暨于舉周誦引漢詢求之  
 而談或如可然但運鍾澆季俗盡駸殘非任明哲  
 之謀安致雍熙之化况師範者公之寂也儀刑者  
 公之臧也既兼親賢宜均休慮豈有鼎盛之年空  
 陳懸車暮暮之禮渭陽之地還復博陸疎遠之蹤  
 乎公宜特加攝衛勉養精神上思 先帝付託之  
 旨待匪躬聽斷之期依舊重其莫重抗其後章  
 明於前 勅而來請未休雖悟雅素遺制之重朕

何雌黃悉之耳 十四日丁未律師法橋上人位

智卒 十五日戊申 天皇御紫宸殿覽信濃

國貢馬頒親王以下各一疋 十七日庚戌日幡

國獲白龜一而獻之 廿一日甲寅正六位上日

幡守平朝臣房世卒 廿二日乙卯大赦於建禮

門前以二十四日伊勢齊內親王可入野宮也

廿四日丁巳伊勢齊揭子內親王臨鴨河修禊便

入野宮中納言從三位兼行左衛門督源朝臣能

有參議正四位下行皇太后宮大夫藤原朝臣國

經陪送所司供奉如式 廿五日戊午大極殿西

鷄尾半折而落景 九月甲子朔 二日乙丑奉

幣於賀茂松尾貫布祢稻荷乙訓丹生川上神社

行止雨也是日鷺集大極殿東樓上未時又集大

極殿東鷄尾夜春花門南大木無故自折什景授

豐後國從五位上建雄霜起神早吸咩神宇奈支

比咩神並正五位下 三日丙寅停御齋燒燈

五日戊辰授阿波國從五位下鹿紅比咩神從五

位上 九日壬申重陽之節 天皇御紫宸殿賜

紅名長

群臣菊花酒奏女樂文人賦詩賜祿如常 十一

日甲戌奉幣於伊勢太神宮例也 十五日戊寅

大雨 廿三日丙戌山城國紀伊郡壱田二段返

給實相寺攝津國嶋下郡壱田一町九段三百五

十八步返給藤原豐淵班田使叔公班給百姓口

分寺及豐淵等以本公驗訖故返之 廿九日壬

辰霖雨未止 冬十月甲午朔 天皇不御紫宸

殿於宜陽殿西廂賜侍臣飲賜祿有差 四日丁

酉延八十僧於紫宸殿轉讀大般若經限以三日

七日庚子讀經事畢延有智僧二十九人於

壽殿論義是日以律師法橋上人位平恩國宗並

為少僧都權律師法橋上人位真然為權少僧都

傳燈大法師位源仁玄津祥勢義叡並為律師傳

燈大法師位隆海房忠並為權律師 勅遣參議

正四位下行右衛門督兼近江權守藤原朝臣諸

葛從五位上行少納言兼侍從橘朝臣春行左少

辨正五位下安倍朝臣清行率治部玄蕃官人向

西寺綱所任之宣制如式 九日壬寅以從五位

下守左衛門權佐藤原朝臣良積為推問筑後國  
殺害使判官下人主典一人先是太政大臣頻抗  
表請停攝政累月不視事勅遂不聽是日辨史  
彖攝河邊第白鹿事十日癸卯攝津國河邊郡  
銀由一町三段百六十步返給二品秀良親王班  
田使叔公親主家披訴故返十七日庚戌勅  
令備前國割國司公解稻二萬束別出舉以其息  
利得充御賦兵士二百二十四人糧先是國宰言  
境內海畔別場是多為奸賊之所聚非公私之  
制常稅略人民掠奪財物往還之輩被侵害者衆  
由是擇浪人有勇幹者二百二十四人造宿舍於  
要害之處給兵器舟楫守禦非常望請依件出舉  
以充其糧食至是聽之廿日癸丑勅令七道  
諸國返民部省去年所下國郡司職田地子混合  
正稅符先是太政官厨言國郡司職田地子無主  
之間注地子帳檢納厨家而去年八月二十五日  
符備得民部省解備主稅寮解備郡司未補之間  
其職田空經年序租帳不注其由是故無由勘出

三不實錄卷四十四

六

商量事情以有遺漏望請每年三月廿日以前令  
式部省移送其地子混合正統者官符下省省符  
下國訖今檢任權官者每國過半賜宋爵者每年  
兼信其公廨位由必給乘由是以諸國地子類稱  
或少太政官厨用常煩關之所謂職田加混正統  
者月俸日資何以支之望請返取省符依舊檢納  
也手從之 廿五日戊午伊勢國飯野郡神戶百  
姓秦貞成向官愁訴太神宮司大中臣貞世犯用  
神物并不理多氣郡擬大領麻績連公豐世故殺  
人事太政官擬遣使者推問事由左大史九部百  
世檢故實曰伊勢太神宮司有犯過之時不遣推  
問使下符國司令其推檢於是停遣使付伊勢國  
宰推察真偽 廿六日巳未停內膳司進物所等  
置近江國負外贄人依國吏申請 廿七日庚申  
雷大風山城國墾田六段百八十步返給從四位  
下藤原朝臣直方班田使誤收公也加賜唐人崔  
勝居宅地三十二分之二先是唐人伴中庸沒官  
之宅地二十二分之十也元慶元年 勅賜崔勝

三十二分之二八共遺二分在四至之內崔勝申請  
 故賜之廿九日壬戌地震勅令能登國禁伐  
 損羽咋郡福良泊山木渤海客着北陸道岸之時  
 必造還船於此山住民伐採或煩無材故豫禁伐  
 大木勿妨民業十一月甲子朔陰陽寮奏御曆  
 并進頒曆於太政官例也授阿波國從四位下大  
 麻神從四位上二日乙丑勅令民部省諸國  
 旨調郡司參省曰勘會見物之後五箇日內移送  
 大藏省先是大藏省言民部式云凡勘納調庸物  
 者郡司見參之日省錄率史生等向正倉院與大  
 藏錄共勘會見物然後可納調物之狀移大藏省  
 者而彼省或時郡司見參之後踰月不勘見物或  
 時勘會見物以降經旬無送移文郡司等且守調  
 物且請移文人疲兩省之間糧絕千里之旅官物  
 被盜失般長至餓死雖云人民之愁抑亦國家之  
 費又式云凡受納調庸雜物期月之後二十日以  
 前隨次收納者然則勘納之期雖有其限而遲速  
 之程只由移文非云章程何可絕物煩望請勘會

見物依式如行但勘會之後五箇日內令送移文  
 從之若有違失依法科罪 五日戊辰 勅伊勢  
 太神宮及豐受宮酒立女各二人准三節祭日儻  
 女例給祿是日裁定造伊勢齊內親王野宮工夫  
 數元工三千十五人夫一萬五百三十五人今  
 定工一千四百六十五人半夫五千二百七十  
 二人半先是木工權大允正六位上內藏朝臣有  
 永等解備謹檢先例徵發五畿內并近江美濃丹  
 波但馬播磨等國所役人別十日而右辨官宣濟  
 事之道公平為先支度之程何拘恒例今美濃但  
 馬播磨等國往還稍遠人民多煩宜暫停件三箇  
 國隨狀增加者今所作屋舍之類頗倍於先結構  
 之功合期而成減定算功既過半分望請顯功常  
 時遺例後代者 勅依請立為恒例 九日壬申  
 平野春日祭如常 十日癸酉散位從五位下源  
 朝臣蔭之男益侍殿上粹然被格殿禁省事移外  
 人無知焉益 帝乳母從五位下紀朝臣金子所  
 生也 十三日丙子停大原野祭自此以後祭禮

皆悉停止以內裏人死也 十六日己卯停新嘗  
 祭於建禮門前修大教以內裏人死諸祀停廢也  
 于時 天皇愛好在馬於禁中閑處秘而令飼以  
 右馬少允小野清如善養御馬權少屬紀正直好  
 道術時上被喚侍禁中蔭子藤原公門侍奉階下  
 常被騎策清如等所行甚多不法太政大臣聞之  
 遠參內裏駈逐宮中庸狽群小清如等尤為其先  
 是夜災惑失度順行守房徑三日退去 十七  
 日庚辰停節會之事親主公卿侍左仗頭錄五位

己上見參者准節會例賜祿各有差 十八日辛  
 己日出之時日入軒轅星 廿九日壬辰晦夜圖  
 書寮失火燒一倉一屋 十二月癸巳朔日有蝕  
 之二日甲午授阿波國從五位下和多都美豐  
 玉比咩神白馬神並從五位上大和國正六位上  
 散言大建命神散言伊能城神越前國正六位上  
 氣多神並從五位下 四日丙申是日先 太上  
 天皇忌也太皇太后設齋於圓覺寺親王公卿畢  
 會 五日丁酉豐樂院北邊人死 十一日癸卯



停月次神會食祭大統於建禮門前從四位上行  
山城權守恒基王卒 十四日丙午於神祇官修  
月次神會食祭十一日須務此祭而十月十日內  
裏人死今月十日滿三十日之限十日是在祭前  
散齋之內又今月五日豐樂院北人死故延而行  
之 十七日己酉遣散位從五位下橘朝臣茂行  
勘解由判官正六位上三國真人有行在京小屬  
從七位上春瀧宿祢春備於大和國散位助正六  
位上巨勢朝臣文主木工竿師從八位上笠朝臣

文宗於河內國勅當般班由停任使司一委國案  
執行其事而消却年月無心勤行宜分遣茂行等  
與國吏共及早究行 廿日壬子散位從四位上  
良秀王卒 廿二日甲寅於內殿修佛名懺悔限  
以三日令山城大和河內和泉攝津伊勢近江美  
濃丹波播磨備前紀伊等國聽百姓推於禁野內  
勅王禁野之興非妨民業至于草木素不拘割  
嘉祥三年四月二十三日今年正月二十一日頒  
告訖而預人等假託威勢矯峻法禁或驅畧牛馬

急無故救之便或奪取鎌斧遂失樵蕪之利宜重  
 下知勿更令然猶致侵擾必處重科國司許容亦  
 與同罪 廿三日乙卯奉荷前幣於諸山陵墓公  
 卿奉勅於建禮門前發使是日國忌也陰陽寮  
 言行荷前之禮避忌多端除今日之外更無吉日  
 故用此日焉 廿四日丙辰於宮內省修鎮魂祭  
 太皇太后皇太后兩宮鎮魂此夜同修景十一月  
 十三日依人死穢停止此祭故延而行之 廿五  
 日丁巳左京人從五位下行下野權介秦宿祢永

厚從五位下守大判事兼行明法博士秦公直宗  
 山城國葛野郡人外從五位下行音博士秦忌寸  
 永宗右京人主計大允正六位上秦忌寸越雄左  
 京人右衛門少志秦公直本等男女十九人賜姓  
 惟宗朝臣永厚等自言秦始皇十二世孫切滿王  
 子融通王之苗裔也切滿占皇之意深向聖朝化  
 風之志遠企日域而新羅邀路隔彼來王遂使偃  
 風之草空空无仰陽之心屬天誅伐罪官軍拂塵  
 通寧百二十七縣人民譽由天皇十四年歲次癸

卯是系内屬也是日 勅諸國史生不任用當土

之人及無位之輩憲章既存遵行有日而非受業

博士醫師依前後格責解由沒公解用四年秩限

停受業師新等之事一同史生至于補任偏據令

文尚依受業師新等之事一同史生至于補任偏

據令文尚依受業之例無嫌當部之人名與實違

事與情戾自今而後宜准史生例非受業人不可

任當國博士醫師又職無尊卑理須上命何以公

官得私相讓頃年多有讓職之輩父子之間下宜

肯以裁許自餘親疎待國解而處分負觀十七年

格雖云父子自非國解不聽相讓自介以來依託

此格每年相讓本欲遏巧偽之濫還為申請之媒

遂使調徭役民頓昇八位之級外散位輩多滿諸

國之中自今以後宜停郡司讓職素越前國田地

百十二町二百九十步加賀國田地二百十六町

依天平勝寶元年四月一日詔旨及興福寺 廿

六日戊午 勅令周防國司還流流人伴秋實於

本配所壹岐嶋先是周防國言秋實申云負觀八

年九月十三日被配流壹岐嶋逢元慶四年十二月四日恩赦放免歸來秋實偷配所輒到此土仍投其身謹請處分者至是差宛所衣還着本所

廿七日己未文章得業生從八位上紀新臣長谷雄叙位三階以對策得丁科也元慶三年閏十月

五日勅以山城國乙訓郡公田五町為元慶寺田而四段三百十六步返入石作寺今以宇治郡

官由四段三百十六步施入元慶寺廿八日庚

申紀伊國從四位下勳公等丹生比賣神伊太

曾神並授從四位上阿波國正五位上天日鷲神

從四位下加賀國菅生神正五位下叅河國從五

位下石鞞神阿波國從五位下埴生女屋神八樺

神並從五位上河內國正六位上粟柄神堺神越

中國正六位上新治神日幡國正六位上虫井神

伯耆國正六位上天照高日女神天乃神奈斐神

天高神安藝國正六位上風伯神並從五位下以

從五位下橘朝臣負樹為豐前守負樹去二月丁

母憂罷職今以本官起之廿日壬戌朱萑明前

大赦并追儻如常

八年甲申春正月癸亥朔 天皇不受朝賀雪也

御紫宸殿賜宴侍臣雅樂寮奏音樂如常儀賜被

二日甲子自昨大雨雪 四日丙寅巳時天南

雷八聲降雨始雷發聲於離行鳴於坤其後暴風

雨電占云正月有雷春穀不平雷起火門夏旱蝗

七日巳巳宴群臣於紫宸殿左右馬寮奉引青

馬 天皇不臨御几厥儀礼一如常御之時宴竟

賜祿各有差 八日庚午於大極殿始講寂勝王

經如常以元興寺僧法相宗傳燈大法師位奉基

為講師 十四日丙子大極殿齊會事畢僧綱若

僧奉糸內裏論義如常施被而罷 十六日戊寅

踏歌之節於紫宸殿賜宴侍臣 天皇不臨御雅

樂寮奏樂宮人踏歌賜祿如常 十七日巳卯於

建礼門前行射礼 帝不臨御公卿行事 十八

日庚辰停賭射 十九日辛巳從四位下行侍從

源朝臣與杖卒 廿日壬午停內宴 廿三日乙

酉日有冠右有珥色黃左有白虹向日是名日抱

三神寶錄卷四十四 十五

廿四日丙戌自辰至巳日有冠左右有珥色白  
 即日宿危夜天東南有星見長可一丈廿八日  
 庚寅自廿五日雨雪至是猶未止二月壬辰朔  
 四日乙未先是天皇手書送呈太政大臣曰  
 朕近身病數發動多疲頓社稷事重神器重  
 願速遜此位崇宸筆角呈首在難行是日天皇  
 出自綾綺殿遷幸二條院二品行兵部卿本康親  
 王右大臣從二位兼行左近衛大將源朝臣多大  
 納言正三位兼行右近衛大將太皇太后宮大夫

陸奧出羽按察使藤原朝臣良世中納言從三位  
 在原朝臣行平中納言從三位兼行左衛門督源  
 朝臣能有參議刑部卿正四位下兼行近江守忠  
 貞王參議正四位下行伊豫權守源朝臣冷參議  
 正四位下行右衛門督兼近江權守藤原朝臣諸  
 葛參議正四位下行皇太后宮大夫兼備中守藤  
 原朝臣國經參議正四位下行左近衛中將藤原  
 朝臣有實扈從文武百官共奉如常但少納言不  
 奏給鈿之狀諸衛不稱警蹕神璽寶鏡等依例相

從驛鈴符內印管鑰等留置承明門內東廊令參  
議正四位下行左大辨兼播磨守藤原朝臣山陰  
從五位上行少納言兼侍從藤原朝臣諸房左少  
辨正五位下安倍朝臣清行等留守兼會文武百  
官於院南門 詔曰現神止大八洲御宇日本根  
子天皇加御命良萬宣御命乎親王等王等臣等  
百官人天下公民衆聞給止宣食國乃政乎未遠  
聞食乎倍喜御病時上發止有天萬機滯止久成  
天神地祇之祭乎急止有祭危美畏利念天保支

天皇位乎讓遜給天別宮亦還御坐好宣御命乎  
親王等大臣等聞給部承詔天恐美畏母國典亦  
准天太上天皇之尊號乎進留又皇位波一日母  
不可曠乎一品行式部卿親王波諸親王中亦貫首  
餘御坐又前代亦無太子時亦如此老德亦立奉  
之例在必以御齡母長給比御心母正直又慈厚  
久慎深御坐天四朝亦佐仕給天政道母熟給利  
百官人天下公民亦末天謳歌所啟亦咸無異望故是  
以天天皇亦聖綬乎奉天天日繼位定奉良久親王

三十一代實錄卷四十四

七

等王等臣等百官人天下公民衆聞給部宣中納  
言在原朝臣行平於庭誥之百辟群寮並立侍  
事畢王公已下拜舞而退於是神璽寶鏡等  
於王公即日親王公卿步行奉天子神璽寶鏡等  
今皇帝於東二條宮百官諸仗圍繞相從二條  
院與二條宮相去東行數百步是夜皇太后出自  
常寧殿遷御二條院

日本三代實錄卷第四十四終

日本三代實錄卷第四十五

起元慶八年二月盡  
五日

左大臣從一位兼行左近衛大將藤原朝臣時平等奉勅撰

光孝天皇

天皇諱時康

仁明天皇第三之皇子也母贈皇

太后藤原民贈太政大臣正一位總繼朝臣之女

仁明天皇之為儲貳也選入東宮天長八年

生天皇於東京六條第天皇少而聰明好讀

經史容止閑雅謙恭和潤慈仁寬曠親愛九族性

多風流充長人事仁壽太皇太后甚親重之每有



舊誤謂  
作諸今  
以扶桑  
略記改

遊覽燕會之事太后必請令為之主矣嘉祥二年  
渤海國入覲大使王文姬望見 天皇在諸親王  
中拜起之儀謂所親曰此公子有至貴之相其登  
天位必矣後有善相者藤原仲真其弟宗直侍奉  
藩宮仲直戒之曰君主骨法當為天子汝勉事君  
王焉 元慶八年二月四日乙未 太上天皇遷  
御二條院遜 皇帝位焉于時 天皇在東二條  
宮親王公卿奉天子璽綬神鏡寶劔等 天皇再  
三辭讓曾不肯受二品行兵部卿本康親王起坐

跪奏言歷數攸在謳歌是歸昔者漢文三讓雖高  
猶當大橫之錄遂應代邸之迎伏願 陛下在此  
樂推幸聽於群臣矣是夜親王公卿侍宿於行在  
所 五日丙申親王公卿引文武百官奉迎 天  
皇即日鸞輿入御東宮親王公卿扈從 天皇將  
出宮未御鸞輿之前太政大臣諸官奉問起居解  
却 太上天皇 勅賜之劔腰底既空兵部卿本  
康親王左大臣源朝臣融先侍猶尚帶劔乍驚相  
視各自解之 天皇即時 勅賜三人帶劔是日

分遣使者固守内外要害之處從四位上守治部卿兼行武藏權守源朝臣行有監護左馬寮從四位上行左京大夫在原朝臣守平監護右馬寮從五位下行備中權介安倍朝臣利行守左右兵庫遣散位從五位上源朝臣建於伊勢關一務少輔從五位下在原朝臣弘景於近江關一從五位下藤原朝臣有文於美濃關並賚勅木契焉遣從五位上守左近衛少將藤原朝臣尚藤右近衛少將正五位下平朝臣正範等連內畧助留鈴

印是鎰等置東宮南門內西掖是日春日祭如常六日丁酉釋奠如常直講正六位上直道宿祢守永講御注孝經文章生學生等賦詩是日僧都已下率威儀從僧等奉參東宮慶賀天皇也以內藏寮綿絹賜之七日戊戌風雪寒十日辛丑園韓神祭如常十二日癸卯大原野祭如常十三日甲辰請僧五十口於東宮前殿轉讀大般若經限以三日先是伊勢齊揭子內親王在野宮是日還木家十八日己酉大被於建禮門前

以明日欲奉伊勢太神宮幣。十九日庚戌。天皇御朝堂院小安殿遣散位從五位上與我王向伊勢太神宮奉幣告以將即位也。廿一日壬子掛甲四百領頒給左右近衛府各二百領此甲尋常納內裏春興殿。天皇入東宮之後遷納東宮書殿今出而給之以兵庫甲給左右衛門左右兵衛四府為二十三日即位以此着川也是日遣中納言從三位兼行左衛門督源朝臣能有於山階山陵參議刑部卿兼行近江守忠貞王於柏原山

陵參議正四位下行皇太后宮大夫兼備中守藤原朝臣國經於嵯峨山陵參議正四位下行左大辨兼播磨守藤原朝臣山陰於深草山陵告以可即位也分遣大中臣氏人等於五畿七道諸國奉幣境內名神幣。廿二日癸丑從四位上源朝臣良姬卒。廿三日甲寅。天皇即位於大極殿。詔曰明神止大八州國所知。天皇我詔旨止良萬宜不勅乎親王諸王諸臣百官人等天下公民衆聞食止宣掛畏岐平安宮御宇之倭根子天皇我

天日嗣高座乃業波掛畏近江大津宮御宇之世  
 天皇乃初賜比定賜留法朕以薄德天乘又百  
 辟卿士乃樂推之請命當天恐美懼利進母不知  
 命退母不知命恐美坐以宣命天皇勅乎衆聞食止  
 宣然皇止坐天天下治賜君波賢人乃良佐乎得  
 之天下乎辭平安治物命在止奈聞行須故是以大  
 命坐宣命朕雖拙劣親主等乎始命天王等臣等乃  
 相共比奈奉利相扶奉元事命依送此食國天下政  
 沙平安可聞行止奈命所念行是以正直之心天

皇朝庭乎衆助仕奉止宣命天皇勅乎衆聞食止宣  
 辭別宣命久凡人子乃欲蒙福事命彼於夜乃多米止  
毛聞行須故是以朕先妣藤原氏命皇太后尊號  
 乎追贈奉流又奉仕人中命其奉仕狀乃隨命冠  
 位上賜比治賜布又太神宮乎始天諸社祿宜祝  
命給位一階又僧綱乎始天天下僧尼年命十已  
上施物給布又兩京五畿內鰥寡孤獨不能自  
 存者及天下給侍留老人命賜御物布又諸國負  
 觀十八年以往調庸未進租稅未納在民身者悉

免賜<sub>止</sub>宣<sub>止</sub>天皇大命<sub>乎</sub>衆聞食<sub>止</sub>宣授無品貞固  
親王四品中納言從三位在原朝臣行平正三位  
正四位下行右京大夫兼山城守基棟王從三位  
彈正大弼從四位下雅望王從四位上無位十世  
王從四位下今扶王從五位下散位從四位下源  
朝臣平右馬頭藤原朝臣門主<sub>宗</sub>右大辨兼勘解由  
長官橘朝臣廣相並從四位上散位正五位下藤  
原朝臣諸藤右中辨兼大學頭紀伊守巨勢朝臣  
文雄右近衛少將平朝臣正範並從四位下從五

位上行博士善淵朝臣永貞信濃守藤原朝臣  
蔭並正五位下散位從五位下藤原朝臣豐雄藤  
原朝臣有文陰陽頭兼曆博士家原朝臣卿好相  
模權守藤原朝臣春幹右近衛權少將在原朝臣  
文平右衛門權佐藤原朝臣有穗勘解由次官兼  
勢權介惟良宿祿高尚等從五位上外從五位  
下行典藥助物部朝臣內嗣散位和氣朝臣時人  
主殿權介菅原朝臣永津助教淨野朝臣宮雄散  
位正六位上有名王源朝臣希源朝臣當元藤原

朝臣時佐兵部大兼正六位上平朝臣基世民部  
大兼清原真人常岑左近衛將監藤原朝臣連並  
式部大兼八多朝臣常永散位橘朝臣秋宗右近  
衛將監藤原朝臣安利大藏大兼藤原朝臣益秀  
主殿助藤原朝臣宗並大藏大兼伴宿祢忠行散  
位正七位下佐伯宿祢春瀧葛江我孫良津等並  
從五位下大外記正六位上巨勢朝臣文宗左近  
衛將監大藏宿祢廣勝左大史九部臣百世皇  
后宮少進坂合部宿祢春恒散位佐伯直清

並外從五位下 廿四日乙卯延二十僧於仁壽

殿修法限五日訖 廿五日丙辰霧氣晦合 廿

六日丁巳停監護左右馬寮左右兵庫之事遣內

舍人等賚 勅符木契喚還固守三關使授四品

新子內親王三品從四位下諱女王中從三位正

五位下善宗女王無位媞子女王雅子女王並從

四位下無位良岑朝臣周子菅原朝臣類子佐伯

宿祢海子大中臣朝臣式子等並從五位下無位

稻城丹公真子正七位下文部直私子粟田朝臣

直子等並外從五位下。廿七日戊午固近江國  
關使中務少輔從五位下在原朝臣弘景還奏關  
關狀。廿八日己未。天皇遷自東宮御內裏仁  
壽殿自。天皇入東宮諸衛嚴警。是日解嚴。帝  
未還御之前遣右大辨橘朝臣廣相諸陵助正六  
位上林朝臣忠範。率所司行掃除之事。栽樹種竹  
布沙控水。效兼和天子之舊風。忠範性有風流。故  
使之。笑夜親主公卿侍宿殿上。三月壬戌朔固  
伊勢關使散位從五位上源朝臣建解關復命。

二日癸亥固美濃關使散位從五位上藤原朝臣  
有文解關復命。先是遣使修造伊勢太神宮。是日  
下知伊賀伊勢尾張各河遠江等國司。曰。迺者有  
太上天皇遜位之事。齊內親王出於野宮。暫停  
雇送神宮之工夫。三日甲子御齋燒燈。一依舊  
儀。威儀師一人。率西大寺僧二十五人奉為。天  
皇轉念金剛般若經五十卷。延命真言一萬遍。錄  
其事由。請關進獻奉賀踐祚也。襖子一領。賜威儀  
師。四日乙丑。迴廳吹壞左仗頭燃火屋。五日

丙寅喚左右馬寮十列細馬於仁壽殿東庭覽之  
授從四位下操子女王從三位山城國言木連理  
八日己巳無位遂良王賜姓平朝臣仲野親王  
孫從四位上潔世王之子也 九日庚午辰時雷  
雨諸衛陣於殿前亦府官人已下賜祿有差以散  
位從五位下源朝臣舊從五位下源朝臣當時並  
為侍從從五位下源朝臣希為內藏助二品行兵  
部卿本康親王為式部卿從五位上右少辨藤原  
朝臣佐世為大學頭右少辨如故正三位行中納

言在原朝臣行平為兼民部卿四品守彈正尹兼  
行上野大守惟恒親王兵部卿上野大守如故散  
位從五位上源朝臣建為治部少輔從五位下清  
原真人有道為大藏少輔散位從五位下在原朝  
臣一貫為掃部頭大納言正三位藤原朝臣冬緒  
為左辨正尹散位從五位下安倍朝臣肱主及少  
辨從五位下守大判事兼行明法博士惟宗朝臣  
直宗為勘解由次官餘官如故從四位下行內藏  
頭和氣朝臣尋範為山城守散位從五位下藤原



朝臣有文為伊勢權守從五位下南淵朝臣興世  
為介從五位下民部大丞清原真人常岑為尾張  
守散位從五位下式部造氏吉為遠江介縫殿頭  
從五位下春澄朝臣魚水為駿河守兵部少輔從  
五位下藤原朝臣當與為甲斐守外從五位下行  
園池正新田部宿禰安河為武藏介四品貞固親  
王為常陸太守散位從五位下坂上天宿禰良助  
為近江大掾從五位下藤原朝臣有令為信濃介  
伊勢權守從五位上安倍朝臣興行為上野介從

五位下源朝臣保為若狹守從四位下行右中辨  
兼大學頭紀伊守巨勢朝臣文雄為越前守從五  
位上源朝臣變為權介元慶五年二月任丁母憂解  
職今奪情復之從五位下行左大臣家令伴宿禰  
枝雄為丹波介從五位上大藏少輔嶋田朝臣善  
宗為因幡守外從五位下行左近衛將監大藏宿  
禰廣勝為出雲權介從五位下行式部大丞八多  
朝臣常永為美作守散位從五位上源朝臣加為  
備前權守右衛門權佐從五位上藤原朝臣有總

為權介本官如故彈正少弼從五位下藤原朝臣  
家實為備後守散位外從五位下平群三春雄為  
介從五位下行內藏助南淵朝臣良臣為阿波介  
從五位上守左近衛少將藤原朝臣高藤為讚岐  
介少將如故散位從五位上興我王為筑前權守  
從五位下行左近衛將監藤原朝臣並為左馬助  
從五位上行左馬助安倍朝臣三寅為鎮守將軍  
十三日甲戌 天皇外祖父故從五位上藤原  
朝臣總繼外祖母正五位下藤原朝臣數子並贈

正一位 十五日丙子夜大雷雨震常任寺塔火  
自第五層起延燒講堂金堂鐘樓經藏步廊中門  
一時蕩盡 十九日庚辰大雨奉苑 太上天皇  
封二千戶 廿一日壬午正三位行中納言兼民  
部卿在原朝臣行平奉表請罷民部卿曰臣行平  
伏奉今月九日 詔旨以臣為民部卿恩暄今日  
懼切春水三省而暫一身無厝臣謹檢人民損益  
倉庫盈虛雖繫國吏之常憂復關所司之明察故  
既往任此職者皆是詳通政事廣踏吏途貪白之

此表狀  
在文章

容具瞻所屬而已臣累佩銀魚久忍尸素縱期粉  
骨已無才智之可施空叩丹心唯有老病之相迫  
上畏玄鑒下愧蒼生伏願陛下曲迴聖恩寵臣  
所職勿俾微臣為天工之益機要為閑曠之官  
廿二日癸未與神祇官於左伏頭卜定齊王其伊  
勢齊者皇女繁子卜食賀茂齊者皇女穰子  
上天皇在祚卜定入初齋院今依舊不變又定太  
尊會國悠紀伊勢國貞辨郡主基備前國和氣郡  
並卜食是賑給東西京飢民 廿四日乙酉大雨

廿六日丁亥預霜僧正法印大和尚位宗叡率  
宗叡俗姓池上氏左京人也幼而遊學受習音律  
年甫十四出家入道從內供奉十禪師載鎮兼受  
經論登棲叡山無復還情天長八年受具足戒就  
廣國寺義演法師稟學法相宗義教年復皈叡山  
迴心向天受菩薩戒諳究天台宗大義于時叡山  
主神假口於人告曰汝之苦行吾將擁護速行則  
雙鳥相隨暗夜則行火相照以此可為徵驗後  
宗叡到越前國白山雙鳥飛隨在於先後夜中有

三寶金卷之三  
次自然照路見者竒之久之移住東寺就少僧都  
實惠受學金剛界大法詣少僧都真紹受阿闍梨  
位灌頂自內藏寮給斷物景 清和太上天皇為  
儲貲之初選入侍東宮貞觀四年高丘親王入於  
西唐宗叡請從渡海初遇汴州阿闍梨玄度受灌  
頂習金剛界法登攀五臺山巡禮聖跡即於西臺  
維摩談石之上見五色雲於東臺那羅延窟之側  
見聖燈及吉祥鳥聞聖鐘尋至天台山次於大華  
嚴寺供養千僧即是本朝御願也至青蓮寺隨阿

闍梨法全重受灌頂學胎藏界法盡其殊旨阿闍  
梨以金剛杵并儀軌法門等付屬宗叡用究印信  
尋至慈恩寺造玄興善寺智慧輪等阿闍梨承受  
秘奧詢求並隨迴至洛陽便入聖善寺善無畏三  
藏舊院其門徒以三藏所持金剛杵并經論梵夾  
諸尊儀軌等授之八年到明州望海鎮適遇李延  
孝遙指扶桑將及一葉宗叡同舟順風解纜三日  
夜間歸着本朝 主上大悅遇以殊礼當時法侶  
皆望和尚之傳金剛界法胎藏界法密教和尚於

東寺教授之學徒有數灌頂而說十一年春為權  
律師十六年久轉權少僧都奏授 天皇金剛界  
大毗盧遮那三尸<sup>戶</sup>馳法觀自在菩薩秘密真言法  
又奉為國家造胎藏金剛兩部太曼荼羅安置宮  
中修法院持念堂十九年 天皇遷御清和院讓  
位於皇太子歸念佛道深悟苦空宗叡奉勸 太  
上天皇令聽學華嚴涅槃等大乘經元慶三年夏  
四月 太上天皇遷御圓覺寺別落入道設灌頂  
法壇受佛性三摩耶秘密乘戒以衣服卧具珍寶

車乘<sup>乘</sup>施於宗叡於是分捨東寺東大延曆等寺  
寺一物不入己意是年冬至僧正位 太上天皇  
巡覽山城大和播津國等名山佛寺宗叡奉從引  
導到丹波國水尾山以為終焉之地和尚性沉重  
好言談當於齋食口不言濃淡未嘗<sup>嘗</sup>寢<sup>臥</sup>衣裳  
念珠不離手年七十六終於禪林寺 廿七日戊  
子授近江國從五位上飯道神從四位下飛騨國  
從五位下劍緒神從五位上隱岐國正六位上健  
須佐雄神從五位下 夏四月辛卯朔 天皇御

紫宸殿賜宴侍臣左右近衛奏音樂賜祿有差以  
正四位下行左兵衛督兼播磨守源朝臣光為參  
議從三位諱女王中為女御是日勅曰雁禁諸  
司諸所燒尾荒鎮及貴人永飲之類去天平寶字  
二年二月二十日貞觀八年正月二十二日同十  
六年九月十四日二十六日等騰勅符既以分  
明如聞無賴之輩不肅格旨或改燒尾荒鎮之名  
而實費倍於前或假親情追訪之興而內懷不相  
知又可聽宴飲被物之色八年正月既立別式而

不備憲章稍有違僭宜重降提擿嚴加捉搦若積  
習犯者必處科譴具如前格但件別式所載諸衛  
定考之日考所以外番長已下不可給祿亦騎射  
手番之時非射手營之永無被物自今定考之日  
上下聽給手番之日次官雖非射手亦從給例頒  
告文武百寮訖二日壬辰以正三位藤原朝臣  
淑子為尚侍三日癸巳授無位當麻真人玄子  
從五位下賀茂別雷神社祿宜正七位下鴨縣生  
貞基外從五位下四日甲午廣瀨龍田祭如常

是日 天皇始讀文選右大辨從四位上兼行勘  
解由長官橘朝臣廣相待讀以從五位上行勘解  
由次官兼伊勢權介惟良宿祢高尚為都講太政  
大臣左右大臣並侍焉 五日乙未自辰降雨至  
申雷電 兩電 六日丙申平野祭如常 七日  
丁酉式部兵部二省奏成選擬階短冊 天皇不  
御紫宸殿大納言正三位兼行右近衛大將太皇  
太后宮大夫陸奧出羽按察使藤原朝臣良世奉  
勅令各於本省行之大祓於建禮門前以十日

於伊勢太神宮也是日始祭梅宮神是  
橘氏神頃年之間停春秋祀今有勅更始而祭  
八日戊戌御在所灌佛如舊儀太政大臣已下  
奉觀錢各有差 九日己亥以皇女伊勢齋繁子  
賀茂齋穰子並為內親王申時雷電兩電推傷菓  
木之葉占曰凡雷者冬之過陽夏之伏陰也過陽  
冬溫伏陰夏寒矣 十日庚子天寒預霜遣從四  
位上行神祇伯棟負王從五位下行少副大中臣  
朝臣常道等奉幣於伊勢太神宮告以定齋內親

王也。天皇御朝堂院小安殿發使夜有流星出  
自北斗犯紫微宮西蕃第五星色青白大如柚子  
十一日辛丑霜降遣參議刑部卿正四位下兼  
行近江守忠貞王向賀茂神社告以兩齋王并為  
親王之狀。十三日癸卯勅曰朕以庸菲之  
資謬膺大橫之錄仰璇璣而如冠夏日按玉鏡而  
若履春冰今所有男女皆居薄時者也既殊周邦  
之懿親何比漢典之封建加之弘仁已降茂躅長  
存或材子八人作元凱於朝臨或本枝百世勅蒸

掌於祖廟彼聖明之深圖遠算猶尚如斯况朕之  
褊慮短衿宣日克堪漢明帝有言我子不當與先  
帝子等聖哉言也宜同賜朝臣之姓勿煩景風之  
吹是朕下身閭閻之事耳不欲為後主之法唯二  
女應供奉齋宮齋院者上畏神明下迫群議不得  
遂朕之素懷其餘皆罷鴻臚之冊勢從燕翼之謀  
普告遐迩令知朕意。十四日甲辰大風雨亥時  
地震有聲日在房宿。十五日乙巳風雨不止公  
卿就太政官曹司廳賜文武官成選位記策命如



常 十六日丙午霜降氣寒未時雷電申時地震  
十七日丁未夜寒霜降草木葉歇 十八日戊  
申諸衛警固如舊儀以明日賀茂祭也 十九日  
己酉賀茂祭如常齊內親王不向神社 廿日庚  
戌諸衛解嚴 廿一日辛亥 天皇御紫宸殿大  
臣已下侍六府奏番奏簡繁子穰子兩內親王各  
賜給五十疋綿二百屯細布二十端調布百端商  
布三百段貞觀錢二十貫文韓槽二十合割蓑津  
國官田四十九町二百九十三步充崇親院先是

貞觀四年六月十六日十八年七月二十六日太  
皇太后宮職并右大臣藤原朝臣良相以彼國古  
荒由空閑地六十三町二百九十三步充入崇親  
院其後院加力開發三十九町二百九十三步而  
國司叔公給百姓口分是日 勅令官田相轉充  
之伊豆國司言國分法華寺承和三年失火燒亡  
其後以定額寺為法華寺請將新建其料可用修  
理國分并通三寶布施斷聽之 廿五日癸丑  
天皇御紫宸殿式部省奏諸國銓掾郡司檢文式

部卿本康親王太政大臣左右大臣及諸公卿侍  
奏議正四位下行左大辨兼播磨守藤原朝臣山  
陰奉勅讀奏此儀經久停絕是日尋檢舊儀而  
行之廿五日乙卯遣從四位下行山城守和氣  
朝臣彝範向宇佐八幡大菩薩宮奉幣帛綾錦唐  
物告以天皇踐祚也是日尾張美濃兩國各獲  
連理樹二廿六日丙辰以彈正少弼從五位下  
安倍朝臣肱主為推筑後國司殺害使廿八日  
戊午天皇御武德殿閱覽諸牧御馬親王公卿

並侍寮五月庚申朔太宰府年貢綿十萬屯其  
內二萬屯以絹相轉進之彼府申請春夏連兩登  
養不利作綿是令輸貢可關望相換進之太政官  
處分依請景五日甲子端午之節天皇御武  
德殿觀覽四府騎射及五位已上貢馬是日有  
勅太政大臣行內辨之事六日乙丑天皇御  
武德殿觀覽左右競走馬四府武藝九日戊辰  
有勅令諸道博士等勘奏太政大臣有職掌以  
否并當大唐何官十一日庚午天皇御紫宸

殿視事，親王公卿並侍山城國司言，木連理。廿

五日甲申，勅聽太政大臣駕輦出入宮中。廿

六日乙酉，以正五位下行信濃守藤原朝臣有蔭，

為左少辨，正五位下安倍朝臣清行為右中辨，散

位從五位下藤原朝臣有家為縫殿頭，右大辨從

四位上兼行勘解由，長官橘朝臣廣相為文章博

士，餘官如故，散位從五位下平朝臣基世為治部

少輔，從五位上菅野朝臣高松為玄蕃頭，從四位

下行下總守基世王為山城權守，從五位下行鼓

吹正伴，宿禰直守為大和權介，散位從五位下

野朝臣善法為河內介，外從五位下行大和權介

良枝，宿禰良行為尾張介，從五位下行內膳奉膳

高橋朝臣秋雄為相摸權介，散位從四位下橘朝

臣良基為信濃守，從五位上源朝臣冷為加賀權

介，從五位上行皇太后宮亮藤原朝臣積善為兼

阿波權介。廿九日戊子，授左衛門佐從五位上

源朝臣是忠，正四位下信濃權守從五位下源朝

臣近善，散位從五位下源朝臣貞慎，並從四位上

臣近善，散位從五位下源朝臣貞慎，並從四位上

從四位下源朝臣忠子從三位是今上皇子也  
以從五位上守左兵衛權佐藤原朝臣高經為左  
衛門佐從五位下行右馬助藤原朝臣恒興為左  
兵衛權介從五位上行土佐權守源朝臣厚為右  
馬助勅曰可修理諸寺令無損壞之狀格制重  
疊如聞破壞仰監往而在宜重仰下速令修理  
仍須各以寺家田園地子今年內修造訖將以來  
冬太嘗之後令遣星使詳加廉察若有損壞不備  
朝章者道俗主司同科違勅罪解即見條三依

天平寶字八年十一月十一日大同元年八月二  
十七日弘仁十三年三月二十六日嘉祥二年閏  
十二月五日齊衡三年九月十六日貞觀元年七  
月十七日等格曾不寬宥太政官符領下五畿內  
七道諸國訖是日左大臣正二位源朝臣融奉  
勅於左伏下喚從五位上行式部少輔兼文章博  
士加賀權守菅原朝臣道真正五位下行博士善  
淵朝臣永貞從五位下行助教淨野朝臣官雄中  
原朝臣月雄少外記大藏善行右少史兼明法博

士允春宗大内記菅野朝臣惟肖明法博士忌部  
濬繼等問勘奏之旨於是既言各異詞有詳略式  
部少輔兼文章博士菅原朝臣道真參議曰一太  
政大臣職掌有無事謹案紀傳之書無太政大臣  
之文唯本朝職負令義解云太政大臣即是有德  
之選非分掌之職為無其分職故不稱掌如此文  
者先師之釋更無可疑一太政大臣史傳之中相  
當何職事謹案漢書表云相國掌承天子助理萬  
機丞相同之大尉大師大保皆在其下後漢書志

云太傳上公一人掌以善導無掌職大尉司徒司  
空共在其下晉書志云丞相非常人臣之職相國  
同之太宰太傅太尉司徒司空並在其下宋書志  
云太宰所以訓護人主導以德義也太傅太保同  
之就此等文案之相國太傅丞相太宰等位冠百  
僚掌殊常職本朝太政大臣可當漢家相國等又  
唐六典云三師訓導之官太抵無所統職無其人  
則闕之三公論道之官無所統故不以一職名  
其官已曰無所統職又稱無其人則闕之可以唐

三師當太政大臣唯我朝制令之意大乖大唐令  
條何者唐令三師三少獨專其官不備尚書省之  
官負我朝太政大臣雖無分掌猶為太政官之職  
事期其所為大乖也博士善淵朝臣永貞等奏議  
曰一職掌有不事尚書周官曰太師太傅太保茲  
惟三公論道經邦稟理陰陽擬此文師傅保三公  
雖云殊名分掌共是論道經邦稟理陰陽之任也  
本朝職員令云太政大臣師範一人儀形四海經  
邦論道如此令者文辭出於周官義旨歸於三公

然則太政大臣職掌可謂相當三公又公羊傳曰  
天子三公者何天子之相自陝而東者周公主之  
自陝而西者召公主之世子相慶于內統云天子  
之三公主黜陟周禮鄭玄注云三公者內與王論  
道中參六官之事外預六卿之教擬此文非唯補  
衮職之闕調恒若之愆抑亦參機務主黜陟乃斯  
三公之所行也但此間之或式未必皆如周家至  
於行事非可指言一相當大唐何官事唐令云太  
師太傅太保右三師師範一人儀形四海太尉司

徒司空右三公經邦論道燮理陰陽據此文太政大臣兼摺三師三公者也大內記菅野朝臣惟月參議曰案令太政大臣師範一人儀刑四海經邦論道燮理陰陽唐開元令云太師太傅太保以上三師者師範一人儀刑四海太尉司徒司空以上三公者經邦論道燮理陰陽今以文者太政大臣獨兼三師三公之職至於正官無可適據但換周室以後唐朝以前之例可准太師何者五經異義云周禮說天子立三公曰太師太傅太保無官

為與至同職故云坐而論道之三公又宋書志云太宰一人周武王時周公且居之掌邦治為六卿之首秦魏不掌置晉初依周禮備置三公之職太師居首景帝名師故置太宰以代之太宰蓋古之太師也殷紂之時箕子為太師周武王時太公為太師成王時周公為太師西漢初不置平帝時始復置太師官而孔光居之東漢又廢獻帝初董卓太師魏世不置晉因太師而置太宰以安平王孚居之自晉以後畧無太師之官至唐初置三師三

公之職以太師為首然則太政大臣本朝最首之  
官與周之太宰晉之太宰唐之太宰官品職事略  
同素少外記大藏善行奏議曰職負令云太政太  
臣師範一人儀刑四海經邦論道燮理陰陽無其  
人則闕義解云太政大臣佐王論道以經緯國事  
和陰陽則是有德之選非分掌之職為無其分職  
故不稱掌設官待德故無其人則闕又公式令云  
詔書奏事等太政大臣與諸公卿別署據此等文  
如職負令者可謂知政令但佐王論道助理萬機

與彼左右大臣舉持綱自惣判太庶事差異矣八  
開元令云太師太傅太保右三師師範一人儀刑  
四海太尉司徒司空右三公經邦論道燮理陰陽  
自三師以下無其人則闕大唐六典云三師論道  
之官大抵無所統職三公論道之官無所不統如  
此等文者本朝太政大臣一人身兼大唐三師三公  
之職然則無所統職亦無所不統職負令之無分  
職公式令之署詔奏蓋取於此歟是其職掌之  
大較也又周禮考工記云國有六職或坐而論道



疏云論道謀慮治國之政令此即尚書周官之立  
太師太傅太保茲惟三公論道經邦燮理陰陽是  
謀慮治國之政令使陰陽順敘也鄭玄注周禮司  
徒序云三公者內與王論道中與六卿之事外與  
六卿之教疏云一公兼二卿是其中兼共官之事  
也五經異義云周禮說天子立三公曰太師太傅  
太保無官屬與王同職漢書百官公卿表云周禮  
天官冢宰地官司徒春官宗伯夏官司馬秋官司  
寇冬官司空是為六卿各有從屬職掌周於百事

太師太傅太保是為三公蓋參天子坐而議故無  
不<sub>一</sub>然故不以一職為官又云相國掌承天子助理  
萬機宋書云太師太傅太保為三公訓護<sub>个</sub>主導  
以德義天子加拜侍以不<sub>臣</sub>之禮宋百官階次云  
相國自蕭何以後殆非復人臣之位據此等文相  
當周漢三公相國及唐三師三公等之官是其儀  
准之著明也又儀制令云在廳座上見親王及太  
政大臣下座義解云左右大臣見親王及太政大  
臣即動座其太政大臣見親王及親王見太政大

臣並不動也和銅六年十一月十六日官宣俯親  
王太政大臣出入朝堂者式部告知下座之事其  
左右大臣動座五位以上降立床下餘跪座下就  
座及出門訖俱復座是其禮教之尊顯也但唐太  
宗實錄三師三公在親王上又唐禮天子臨軒冊  
授三師三公其位次在親王上本朝之制與大唐  
殊矣右少史凡春宗明法博士忌部濬繼等奏議  
曰職負令云太政大臣師範一人儀刑四海經邦  
論道寔理陰陽義解云有德之選非分掌之職為

無其分職故不稱掌又云左右大臣掌統理衆務  
舉持綱目又公式令詔書事等注太政大臣位臣  
姓左右大臣位臣姓名又式云朝座者昌福堂北  
端太政大臣次左右大臣史依次讀申每一事畢  
大臣處分依此視之太政大臣居有德之選非分  
掌之職至于左右大臣別立職掌既於無分職似  
不掌政務然而位署詔奏同差朝座可謂雖知行  
天下政而不可掌大臣職矣夜有流星出自北極  
太星入三公星星六如李實色白有光世日已

丑大兩

Faint vertical text columns, likely bleed-through from the reverse side of the page.

日本三代實錄卷第四十五終

